



Martha Lund Olsen
Inatsisartut

**Akeqanngitsumik atornerluisunik katsorsaasarneq pillugu apeqquiti nr
2017/281 § 37 naaportorlugu akineqarnera**

02-01-2018
Suliap nr. 2017 - 28588
All. nr. 6882963

Aallaqqaasiutigalugu Inatsisartut Suleriaasianni § 37 naaportorlugu atornerluisunik
katsorsaaneq pillugu apeqquiteqaravit qujavunga.

Postboks 1160
Tlf.: 34 50 00
Fax: 34 55 05
3900 Nuuk

Email: pn@nanog.gl
www.naalakkersuisut.gl

**1. Imigassamik ikiaroorartunillu atornerluisuulluni katsorsartinniaaraanni
katsorsartinneq suli innuttaasunut akeqarpa?**

Naalakkersuisut Allorfimmik pilersitsinermikkut 2016-imiit tamatumalu kingorna
pinngitsuuisinnaajunnaarnermik katsorsartinneq innuttaasunut ataasiakkaanut
akeqarunnaassasoq qulakkeerpaat. Allorfimmi katsorsartinnissamut
innersuunneqartut akeqanngitsumik katsorsarneqassapput. Allorfiup
aningaasalersorneqarnera Aningaasanut Inatsimmi immikkoortitsinikkut
qulakkeerneqarpoq.

**2. Innuttaasut nuummiittut katsorsartinniarlutik aalajangiussisimasut,
periarfissaqarpat ingerlaannaq akeqanngitsumik Katsorsaavimmi
atornerluinerminnut katsorsartinneqarnissaminnik – akeqanngitsumik?**

Peqqinnissaqarfimmi katsorsaasarnerni suniluunniit pisoqartarneratut Allorfik
neqeroorummut, innuttaasumut qaninnerpaamut annikinnerpaamillu
akuliunnertalimmut innuttaasup iluaqutissaatut naatsorsuunneqarsinnaasumut,
innersuussisarpoq. Tamanna aamma innuttaasunut Nuummi najugalinnut
atuuppoq.

**3. Innuttaasut nuup avataaniittut katsorsartinniarlutik aalajangiussisimasut,
periarfissaqarpat ingerlaannaq akeqanngitsumik Katsorsaavimmi
atornerluinerminnut katsorsartinneqarnissaminnik – akeqanngitsumik?**

Najugaqariaaseq matussuserniarlugu ullumikkut pingasunik ataatsikkut
ingerlasunik neqerooruteqarpoq. Ilaatigut Qaqortumi, Nuummi Sisimiunilu
Allorfiup katsorsaasarfiani katsorsartittoqarsinnaavoq. 2018-imi Aasianni
Ilulissani Allorfinnik katsorsaavinnik pilersitsisoqassaaq.
Ilaatigut nammineq illoqarfigisami Katsorsaavik Nuuk-p angalasartuinit
katsorsartinnissamik neqeroortoqarsinnaavoq imaluunniit Nuummi Katsorsaavik
Nuuk-mi katsorsartinnissamut innersuussisoqarsinnaalluni. Innersuussinermut
aalajangersimasumut tunngatillugu piumasaqaatit apeqquummi 2-mi
allaatigineqartut atuupput.

4. Innuttaasut katsorsartinniartut Peqqinnissaqarfimminngaanniik isiginiarneqartaramik ima inuuniarnerminni ajornartorsiortigisutut pinngitsooratik isumaginninnermi allaffeqarfimmut saaffiginneqqaartariaqarlutik?

Katsorsartinneq sapernartuunngilaq, kisianni katsorsartinnermi anguneqartut ulluinnarni artorsarnermi attannissaat sapernarsinnaavoq. Nalunngilarput ikiaroonartunik ajornartorsiutillit amerlasuut aaqikkuminaatsunik, soorlu ineqarnermut, suliffeqarnermut, ilinniagaqarnermut ilaqutariinnermullu tunngasutigut, ajornartorsiuteqartut. Taamaattumik innuttaasunut ikiaroonartumik ajornartorsiutilinnut tunngatillugu susassaarfii akimorlugit suleqatigiinneq assut pingaaruteqarpoq.

Tamanna tunngavigalugu siunissami atornerluisunik katsorsaaneermi nuna tamakkerlugu pilersaarummi piomasaaqaataavoq innersuussinermut atatillugu ingerlaqqinnissamut pilersaarusiortoqarnissaa. Ingerlaqqinnissamut pilersaarummi katsorsaasoqarnerata nalaani imaluunniit innuttaasup katsorsarneqareernerata kingorna pisut pilersaarusiorneqassapput. Innuttaasumik sullissisoq ingerlaqqinnissamut pilersaarusiussaaq. Kisianni katsorsaaneerup pisariaqanngitsumik kinguarsarneqarnissaa pinngitsoorniarlugu innuttaasooq illoqarfinni Allorfinnik katsorsaaveqartuni najugaqartoq katsorsartinnissamik aallartitserusulluni katsorsaavimmut toqqaannartumik saaffiginnissinnaavoq. Katsorsaaneq ingerlaannaq aallartinneqarsinnaavoq kingusinnerusukkullu ingerlaqqinnissamut pilersaarusiortoqarluni.

Tamatumani saniatigut pisortaqaarfimmi namminersortunilu sulisitsisut Allorfimmut toqqaannartumik saaffiginnissinnaapput pisortaqaarfimmi namminersortunilu sulisitsisut ingerlaqqinnissamut pilersaarutini pisussaaffiit, kommunip pisussaaffigalugi, tigunissaannut isumaqatigiissuteqarlutik.

5. Imaappa inuup nammeneq aalajangersinnaanngilaa imigassamik imaluunniit ikiaroonartorsiuteqarnertik kisiat ajornartorsiutigalugu, taamaattumik isumaginninnermi allaffeqarfimminngaanniik aatsaat innersuunneqarunik akiliunneqarlutik katsorsartissinnaallutik?

Siunnersuut uunga: Pinngitsuuisinnaajunnaarnermik katsorsaasarneq pillugu Inatsisartut Inatsisaat naapertorlugu innersuussisoqarnerani pinngitsuuisinnaajunnaarneq pillugu katsorsartinnissamut qinnuteqaat Allorfimmut tunniunneqassaaq, taannalu illoqarfigisami katsorsaavinni katsorsartinnissamut imaluunniit neqeroorutinut allanut, apeqqummut 2-mut aamma 3-mut akissutini allaatigineqartunut, innersuussissaaq. Tassa isumaginnittoqarfiup innersuussinermut pappiaqqat immersussavai Allorfillu neqeroorummut naleqquttumut innersuussissaaq.

Ullumikkut suleriuseq imaappoq:

- Nunaqarfinni najugallit Katsorsaavik Nuuk-mut toqqaannartumik innersuunneqartarput.

- Illoqarfinni najugallit siunissami qaninnerusumi katsorsarneqarnissamik pilersaarusiunneqarsimasut (illoqarfinnut aqqaneq-marlunnut angalasartut) namminneq illoqarfigisaminni katsorsartinnissamut innersuunneqartarput.
- Illoqarfinni katsorsaaneq siunissami ungasinnerusumi pissappat Katsorsaavik Nuuk-mut innersuussisoqartarpoq.

6. Peqqinnissaqarfiup kommunini isumaginninnermut allaffeqarfinnut, innuttaasut katsorsartinniarpata, piumasaqaatai qanoq ippat imaluunniit suleqatigiinnissamut isumaqatigiissutai ippat?

Innuttaasut katsorsartinnerat pillugu suleqatigiinnissamik isumaqatigiissuteqanngilaq. Siunissami atornerluisunik katsorsaaneqarnermut nuna tamakkerlugu pilersaarut aqqutigalugu naleqqussaasoqartarpoq. Katsorsaasoqassappat taamaallaat innersuussinnermut pappiaqqat immersorneqassappat, tassa innuttaasoq sunik ajornartorsiuteqarnera pillugu innersuussinnermi immersugassat aamma kommunip katsorsaaviullu akornanni suleqatigiinnissaq kiisalu ingerlaqqinnissamut pilersaarusiornissaq pillugu akuersilluni nalunaaruteqarneq.

7. Peqqinnissamut Naalackersuisoq isumaqarpa imigassamik ikiaroonartumik aningaasanoortaraanniluunniit, tamannalu qaangerniarlugu ikiortikkusukkaanni taava inuttut saaffiginnittut ima annertutigisumik ajornartorsiuteqartigisut, taava Isumaginninnermi allaffeqarfinnut oqaloqatiginnilluni qinnuteqarnissaq pinngitsoorani pisariaqartoq?

Qulaani allaatigineqareersutut innuttaasut ikiaroonartumik ajornartorsiutillit pillugit susassaqarfiit akimorlugit suleqatigiinnissaq pingaarnepaavoq. Innuttaasup inuuniarnikkut ajornartorsiuteqarnermini ikiaruunnginnissaminik aalajangiusimanninnissaa piviusorsiornerunngilaq. Pitsaasumik katsorsaaneqarnermi angusat aalajangiusimaneqassappata innuttaasup ikiaroonartumik atuinera assersuutigalugu suliffimmik, ilinniagaqarnermik suliniutinilluunniit allanik taarserneqassaaq, innuttaasup taamaalilluni atornerluiuinnaarsinnaanini takusinnaalerniassammagu. Innuttaasoq pisortat aqqutigalugit katsorsartinnissaminik kissaateqartillugu isumaginnittoqarfik akuliutinneqartuarsimavoq, taamaattumik tamanna nutaajunngilluinnarpoq. Nutaaq tassaavoq innuttaasut katsorsartinnissamut aningaasaliiffigineqarumallutik isumaginnittoqarfinnut saaffiginnittariaarunnerat, kisianni nakkaqqinnissaat sapinngisamik pinngitsoortinniarlugu katsorsartinnerisa kingorna ingerlaqqinnissamut qulakkeerneqarnissaat. Qulaani allaatigineqartutut ikiaroonartumik atuisut katsorsartinnissamut innersuunneqarsinnaanerannut arlalinnik periarfissaqarpoq. Innuttaasoq Allorfiup katsorsaaviinut katsorsartikkusunnini pillugu toqqaannartumik saaffiginnissinnaavoq, imaluunniit illoqarfinni Allorfiup katsorsaaviinik peqanngitsuni sullissisumut imaluunniit Allorfiup innuttaasup sulisitsisua isumaqatigiissuteqarfigisimappagu sulisitsisuminut saaffiginnissinnaavoq.

8. Peqqinnissamut Naalackersuisoq isumaqarpa Isumaginninnermut allaffeqarfiit ima suliassakitsigisut, suliassami saniatigut aamma katsorsartinniartut tamaasa oqaloqatigineqaqqaartariaqartut?

Apeqqummut 7-imut apeqqummut akineqartutut innuttaasoq pisortat aqputigalugit katsorsartinnissamik kissaateqaraangat isumaginnittoqarfik akuliuttuartussaareerpoq.

Nutaaq tassaavoq innuttaasut katsorsartinnissamut aningaasaliiffigineqarumallutik saaffiginnittariaarunnerat, kisianni nakkaqqinnissaat sapinngisamik pinngitsoortinniarlugu katsorsartinnerisa kingorna ingerlaqqinnissamut qulakkeerneqarnissaat.

Qulaani allaatigineqartutut siunissami atorneerluisunik katsorsaannermi pilersaarutip, 2015-imi Naalackersuisunit tamanit akuersissutigineqartup illillu nammineq 2015-imi sapaatip-akunnerani 18-imi tusagassiuteqarfinnut saqqummiussanni, ilagaa.

Inussiarnersumik inuulluaqqusillunga
Med venlig hilsen

Agathe Fontain